



## Universitätsbibliothek Paderborn

### V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicationem Pagina  
Indicabit

V. P. Gasparis Druzbicki, Societatis Jesu, Tractatus De Negotiationis  
Spiritualis Industriis

**Družbicki, Kaspar**

**Ingolstadii, 1732**

**VD18 90066367**

Industria II. Modus & Regulæ unicuique operi assignandæ, & in ejus  
executione servandæ.

**urn:nbn:de:hbz:466:1-45372**

Spiritu fervebit, semper spiritu mentis suæ innovabitur. Quæ an ita sint, experientiæ remitto; quanta verò sint, à Spiritualibus viris librisque discendum, non à me, hîc explicandum puto.

## INDUSTRIA II.

*Modus & Regula unicuique Operi assignande & in ejus executione servandæ.*

Priore Industriâ Ordinem Temporum & Actionum suasimus observandum: hac Industriâ modum in Actionibus servandum docemus. Quæ res latissimè quidem patet; non tamen à nobis ita tractabitur in præsenti, sed tantum hoc trademus, quod ad fructuosè, fæcundè, facile proficiendum in Virtutibus, per actionum nostrarum usitatarum transactionem servire potest.

Modi igitur nomine intelligimus observationes, & veluti Regulas cuilibet operi competentes, quarum diligenti observatione fiant opera non tantum bona sed etiam perfecta, etiam ornata, etiam meritis fæcunda & animam ditantia, consequenterque Dei gustui atque placito valde grata. Hæ observationes seu Regulæ, triplicis generis esse possunt. quædam præscriptæ à Religione, aut ab aliquâ simili autoritate cui sit obediendum; quædam à naturâ rei profluentes; quædam spontè à nobis ex devotione nostrâ desumptæ, etiam nobis in tali vel tali opere ad observandum injunctæ. Atque hæ triplicis generis observationes, aliquando concurrunt omnes ad unum aliquid opus, aliquando aliquæ tantum

8.

tum ex eis. v. g. Actio comedendi, habet à Religione præscriptam observationem, ut præmittatur ei benedictio & sequatur eam Gratiarum actio: item, ut dum corpus edendo reficitur, sua etiam animæ refectione tribuatur. Eadem actio habet à naturâ suâ præscriptam regulam Temperantiae, ut in cibo non gulæ, non voluptati, sed necessitati ac sufficientiæ serviatur. Eadem insuper actio habere potest observationes eas, quas quisque ex suâ devotione & pietate sibi proscribet. Quomodo Sancta Gertrudis ex Christi consilio omnem bolum sumendum in Christi intingebat Sanguine: Beatus noster Aloysius ad prandium recolebat fel & acetum Christi, eoque condiebat cibos suos, ad cænam, Christum cænante cum discipulis habebat propositum.

9.

Hæ ultimi generis observationes bifariam dividuntur. aliæ namque sunt veluti substantiales operi bono & meritorio quatenus tale est, ita ut nisi illæ adfiant, opus parum valoris fit habeturum: cuiusmodi sunt, ut sit opus vel ex naturâ suâ bonum sive honestum, vel saltem non malum, sed indifferens, & capax honesti finis. Item ut sit rectâ intentione factum, & eâ quidem supernaturali. I. n. ut sit ab homine in gratiâ posito &c. Quas observationes quâm sit necesse adhiberi ad operum executionem, vix attinet dicere, cum res ipsa loquatur. Ita siquidem se habent, ut ad medium illud genus ex tribus, revocari meritò possint.

10.

Aliæ porrò sunt non jam substantiales, sed accessoriæ; & veluti exornativæ, quæ suppositâ Comitate & supernaturalitate operis, illud inlu-

per

per ornant variis Virtutum actibus, variis piiis affectibus, quos suggerit pia & devota, placendique Deo cupida Voluntas. In quibus ipsis adhuc sunt gradus, & quædam celsitudines sublimatesque defæcatæ in spirituali vitâ non incognitæ, quæ operibus nostris adjunctæ, non possunt non magnum illis pretium & pondus & meritum afferre, consequenterque, eximiè animam ditare, acditatam, Deo insuper gratam & gratirosam presentare. Namque cui dubium esse potest, plùs Deo placere, defæcaturque magis esse opus profectum ex Dei Caritate, quam ex servili timore, aut ex præmii æterni cupiditate? &c.

Præsens igitur Industria, hoc præcipue vult, ut amator profectus sui spiritualis, in singulis actionibus suis ordinariis atque notabilioribus, habeat certas praxes & observationes, quas in eis observet, & quibus actiones illas modo quodam supererogatorio exornet, gratirosesque Deo, ac sibi fructuosiores faciat. Industriæ istius exempla vix ullo in Sancto desunt. Ita S. Xaverius noster dum horas Canonicas recitaret, unicuique horæ Hymnum *Veni Sancte Spiritus* & emitte cœlitus &c., magno cum pietatis gustu præmittebat. B. Borgia, quoties à somno surgebat, statim in genua provolutus, & SS. Trinitatem adorabat, & Incarnationis Dominicæ mysterium venerabatur, & suam vilitatem infra omnia creata abjiciebat. Petrus Faber in hoc genere Industriæ maximè excelluisse mihi videtur. quippè quocunque se verteret, quidquid ageret, ubiubi locorum esset, certas observationes suas, pietatis eximiae plena habebat. Sancta Gertrudis (ut in Divinæ pietatis insinuationibus refertur,) nihil quoque videtur

II.

videtur unquam egisse absque istiusmodi Industriis: Inter has fuit illa una, ut quoties esset alicui locutura, linguam suam in Christi Sanguine intingeret, ut sic lingua purification, & sermo efficacior esset. Talia verò plurima in dicto Insinuationum libro reperiet qui voler, atque ad eorum normam pro suo Spirituali gustu, multa sibimet in suis actionibus observanda deligit. Pater Jacobus Alvarez, vitæ spiritualis Magister interimos clarus, in hoc genere Industriæ explicando, bene magnum volumen insumpsit, omnia quæ nostræ Societatis hominibus, diebus, hebdomadis, mensibus, semestribus, annis singulis obiri solent opera, recenset, & quâ unumquodque perfectione obiri possit, satis exactè docet: ita, ut qui ejus præscripta observet, nihil magnopère in suis operibus desideraturus sit, quod ad perfectiōnem desit. Quanquam & ille his, quæ dicto Volumine decuit, nemini interclusit facultatem, alia & alia excogitandi, quæ pro suâ pietate, in suis operibus & actionibus observet: quin potius viam & modum ad talia invenienda aperit, dummodo sit, qui hac Industriam uti non gravetur. Atque ut hac de re pressius aliquid dicamus.

## 12.

Amator sui profectus habebit certas observationes, quas observet, dum è lectulo consurget, dum se vestibus induet, dum Orationi initium dabit, dum orabit, dum ab Oratione recedet. Habebit certam rationem Missæ audiendæ, Examinis faciendi, Coronam B. Virginis recitandi, cibum capiendo, foras ex cubiculo vel domo prodeundi. Habebit certas observationes in Confessione suorum peccatorum, in Recitatione Officii Divini, in Præparatione sui ad Missam, in

ip̄sā

ipsâ Missâ, post Missam: in confessionibus aliorum audiendis, in adeundis proximis & alloquendis, in Concionibus parandis & dicendis, in lectionibus parandis & habendis &c. Habebit certam rationem Collectionis hebdomadariæ, ac menstruæ, ac semestris, ac annuæ faciendæ. Habebit certam rationem certas festivitates Ecclesiæ celebrandi, ut sunt, Tempus Adventus, Quadragesimæ, Rogationum, Quatuor Temporum. Festa quoque Natalis Domini, Circumcisionis, Resurrectionis, Pentecostes, Corporis Christi, nec non festa B. Virginis, Festa Patronorum &c.

Has istorum aut similium operum obeundorum rationes, unusquisque vel excogitabit ipse, vel ex libris petet, vel ex Patribus Spiritualibus disset: nam hîc illas à me poni, & longum esset nimis, ac præter hujus Tractationis propositum, & præterea frustra hic labor assumeretur: quia non omnia omnibus sapiunt, & præstat in hoc genere rerum permittere, ut quisque in suo sensu abundet, suoque palato serviat.

Quærat aliquis, quænam potissimum censem in operibus nostris prædictis observanda, & adquæ in hisce observationibus respiciendum sit. Respondeo in primis, non probare me, ut multæ observationes fiant; hæc enim res est onerosa & fatigat, fastidium deinde parit, contemptum tandem ac denique neglectum. Paucæ igitur atque selectæ designentur, quæ commode fieri possint suo tempore, neque opus sit festinanter ac tumultuarie fieri. Sic enim exiguis fructus, nullus esset gustus earum observationum. Addo deinde, in actionibus, primum locum deberi iis

13.

V.P. Druzb. Op. IV.

B

obser-

observationibus, quæ sunt vel ex naturâ rei, vel  
ex præscripto Religionis Obedientiæque, alicui  
actioni annexæ, de quibus suprà hîc initio dixi  
fol. quibus ubi fuerit satisfactum, & aliàs insu-  
per addere placuerit, tum id fiat.

14.

Ac præcipiuus primusque locus sit Intentio-  
ni bonæ, quæ quo erit purior, tanto melior. In-  
tentioni succedat prævisio occasionum tam pec-  
candi, quàm merendi in opere faciendo. Quod-  
si hæc prævisio non est necessaria, eò quod jam  
hæc occasions aliàs sint notæ, succedat Propofi-  
tum de eis vitandis quæ sunt ad malum, arripi-  
dis quæ ad bonum. Atque hîc potissimum cu-  
perem haberi rationem ejus vel vitii, cum quo  
Examine particulari, menstruove exercitio pu-  
gnatur, vel ejus Virtutis, quæ similiter per singu-  
los Mensis dies ad exercendum assumpta est.

His si placebit addere excitationem fervori  
ac Intensionis seu applicationis & diligentia in  
agendo, Exemplum quoque seu imitationem Chri-  
sti aut Beatæ Virginis, aut certi Sancti, Hono-  
rem quoque Sancti cuiuspiam &c. Oblationem  
sui, Impetrationem aliquarum rerum sibi aut aliis,  
satisfactionem pro se, pro aliis, vivis, mortuis.  
hæc omnia utiliter fient, modò ne longo tempo-  
re, cum fatigatione, cum festinatione: Sed ferio,  
breviter, devote fiant. Præstat alicui pauca  
benè & strenuè agere, quàm multa tumultuant  
& fastidiosè, quia actus unus intensus pro mille  
remissis facit.

15.

Forsitan alicui non displicebit, quod addam  
ex Andreâ Capellâ pio scriptore: qui in quodam  
suo opusculo collegit plurimas actiones humanae  
& easdem piè peragendi modum singillatim præ-  
scriptis.

rei, vel scripsit. Sunt autem sex, quos ad quamlibet actionem adscripsit. 1. Præmittit Sententias Sacrae Scripturæ aliquas actioni accommodatas. 2. Subjungit considerationem aliquam, etiam actioni congruam. 3. Gratiarum actionem. 4. Confusionem. 5. Petitionem. 6. Oblationem. Non pigebit autem, exemplum unum ex eodem Auctore hic inserere. Est igitur ejus exercitium ordine secundum, dum in vestiendis nobis manè occupamur.

*Sententia Scripturæ. Induimini Dominum nostrum IESUM Christum. Abjecimus opera tenebrarum, & induamur armis lucis. Induit me Dominus vestimento salutis, & induit me jussitie circumdedit me. Qui vicerit, induetur vestimentis albis.*

Rom. 13. 14.  
1b. 12.

*Consideratio. Considereremus quod per peccatum simus subjecti frigori & aliis injuriis corporis: Unde egemus vestimentis. Sed & Christus, ut peccata nostra expiaret, nudus in Crucē mortuus est.*

*Gratiarum actio. Agamus Gratias Deo, qui providit nobis unde vestiamur & frigora depelamus: item quia nuditatem animarum nostrarum, Gratiae suæ veste vestivit.*

*Confusio. Erubescamus nuditatem animæ nostræ, cuius primam Innocentia vestem in baptismō sumptam laceravimus, immo eandem toutes, licet à Deo instauratam iterum discerpsumus.*

*Petitio. Petamus à Deo, ut dignetur hanc iterum vestem reparare & vestitu virtutum nuditatem nostram contegere, ut amoveatur consuetudo nostra, & anima congruè vestita, possit se dignè conspectui divino sistere.*

*Oblatio. Offeramus nos Domino ad perfec-*

B 2 ten-

rendam ejus amore Pauperiem, Nuditatem, & denique ipsam Crucis mortem. Hucusque exercitium prædicti Autoris; in quo, ut apparefacile, permultum est pietatis. Neque difficile erit Amatori profectus sui, talia sibimet apparare pro actionibus suis, aut certe ex eodem autore mutuari.

16.

Finem huic Industriæ imponam, si primò rogavero perfectionis amatorem, ut hujus Industriæ usui, quam optime affectus esse curet: neque nimiam sibi perfectionem præscribi, aut gravem sibi laborem suaderi putet. Sit certus non facturum se hac in re tantum, quantum multifacti Dei servi factitarunt & faciunt. In vitiis Patrum legimus, quendam ex eis, colloquentem cum aliis fratribus orationes complevisse. Pater Jacobus Alvarez, refert de quodam Patre Societatis, quod in dies singulos, 100. Dei nominis considerare, sub iisque SS. Trinitati honorem habere solitus fuerit, idque exercitium permullos annos continuaverit. Pater Josephus Anchienta, nunquam à continuâ Dei præsentia cessavit, & omnium, quæ agebat, rationes, ex Deo desumere solitus fuit. S. Augustinus de seipso refert Ep. 151. se, antequam obdormiret, in lectio cubantem, de Beatâ vitâ cogitare solitus, deinde orare, ac tandem dormire. S. quoque Ambrosius suam in simili consuetudinem dum nobis commendat, refert. lib. 3. de Virgin. at enim. *In ipso cubili, volo Psalmos cum Oratione Dominicâ frequenti contexas vice, vel cum evigilaveris, vel antequâ in corpus sopor irriget.*

17.

Mitto alios, nusquam hæc in libris & viae Sactorum non invenies. Multa possumus, modi.

posse v.  
facilior  
docile  
& quæ  
modo  
perinde  
eam no  
tamus.  
posse d  
in uniu  
quod d  
autem i  
nullum  
tioniqu  
ve, fiat.  
devotio  
novetur  
Hoc inc  
cum iis  
sistere,  
præscri  
id poss  
neque c  
ergo fit  
fectioni  
bus? E  
difficili  
actione  
bus, ve  
rantibus  
sit cona  
severan  
desidera  
Exh  
poter

posse velimus, dies faciet leviora omnia, faciet  
 faciliora, faciet usitata, ac fere connaturalia,  
 docilem namque Deus providit nobis naturam,  
 & quæ insuescere facile possit, immo & velit,  
 modò nos regere naturam velimus, & quæ est  
 perinde ad mala atque ad bona perse indifferens,  
 eam nos ad bona convertamus, & à malis aver-  
 ramus. Quis credit, in dicendo Sacro, tot  
 posse devotiones (ut vocant) observari, quot si  
 in unum congregentur, possint Sacrum ipsum  
 quod dicitur, mole suâ exæquare. Observari  
 autem ita, ut nulla sit temporis prolongatio,  
 nullum per hoc præjudicium reverentiæ atten-  
 tionique, ad ea quæ in Sacro dicuntur aguntur-  
 ve, fiat. quin potius, ut per hoc & augeatur  
 devotio, & excitetur reverentia, & attentio in-  
 novetur, & fructus ingens animæ proveniat.  
 Hoc inquam vix credibile videtur, & vix posse  
 cum iis, quæ in Missâ dicuntur agunturvé con-  
 sistere, præcipue nihil ad medium horam Sacro  
 præscriptam, temporis addendo: & tamen fieri  
 id posse ac solere, ab iis scio, qui facere solent,  
 neque opera pretium mentiendi habent. Quod  
 ergo fit ab aliquibus; cur non ab omnibus per-  
 fectionis & negotiationis Spiritualis amatori-  
 bus? Et quod fieri potest in hac unâ satis per se  
 difficili, totumque hominem sibi vendicante  
 actione; cur non possit fieri in aliis, vel simili-  
 bus, vel etiam minus hominem totum deside-  
 rantibus? potest absque dubio; modò non de-  
 sit conatus, non desit industria, prudentia, per-  
 leverantia, quæ si adfuerint; non patietur se  
 desiderari, avida talium laborum Divina Gratia.  
 Ex his quæ hactenus dicta sunt, facile con-

B 3

cludi

18.

cludi potest, quanta sit & utilitas & necessitas  
hujus industriae iis, qui perfectionem amant, ha-  
enim est una ex præcipuis rationibus proficien-  
di in Spiritu, virtutes exercendi, merita conqui-  
rendi, interius operandi, assidue cum Deo agen-  
di & versandi, otiosos ac inutiles actus devita-  
di, perfectos tamen & sublimes mortificandi.  
Hæc etiam ratio est una, animam propriam sem-  
per in manibus suis habendi, ejusque profectus  
& defectus quasi in numerato habendi. Dum  
enim cuique actioni peragendæ certos homi-  
modos habet: ut primum in modum oculi  
mentis conjecterit, & actionem ad eos compari-  
rit, illiçò perfectionem actionis, statimque pro-  
fectum suum & vigilantiam suam cognitam &  
perspectam habebit: unde perpetuus ei erit stimu-  
lus, aut ad perseverandum, si proficeretur ad  
vertit, aut ad acrius vigilandum, si deficere  
negligere aliqua recognoscit: Quod totum ma-  
ximi est in vita Spirituali momenti.

### INDUSTRIA III.

*Per partes affueſcendum obſervationib⁹  
Actionibus, ut vitetur fatigatio &  
actuatio.*

49.

PRÆMissa proxime Industria, hanc objec-  
tolet, eā uti cupientibus difficultatem, qua-  
etiam ibidem perstrinxi, quod videatur labo-  
ra & multiplicata reflexionis: itaque obnoxia  
fatigationi capitis, viriumque ac instrumento-  
rum, per quæ anima nostra operatur. Huic dif-  
ficultati, necnon & aliis similibus, quæ sece erat